

十五家詞

冊四

十五
五
期

五
期

欽定四庫全書

十五家詞卷十九

休寧孫默編

陸求可月湄詞二

秋藥香

初秋

一葉梧桐飄未幾日月會於鷄尾白藏正值蘭秋美
玉露金風如水琅玕青簟初收起涼來矣招搖西
指銀河徙天上雙星歡喜

金菊對芙蓉

秋日

塞上風雲江間波浪兼天接地成秋看阜鵬振翮白
鷺橫洲季鷹正憶蓴鱸鱠冷芙蓉寂寞漁舟商飈起
處文津閣本作乍起誰家玉笛吹徹文津閣本作出
高樓遙想白帝城頭聽砧聲急擣驚散沙鷗嘆東
牆宋玉獨鎖閒愁晚來大火流西極敢天孫望斷牽
牛紛紛白月絺衣蘿薜更上簾鉤

望遠行第一體

秋夕

耿耿銅壺滴漏長虛空萬籟清商攬衣起坐碧紗窗

疎螢竹裏暗偷光 明月上廣庭涼早桂霏微遠香
曉來斗轉動東方西山爽氣接蘭堂

百字令

秋曉

金天高處漸商風習習吹晞珠露暑氣全消庭院靜
蘭室佳人遲寤砌葉翻風簷梧飄樹乍展凌波步新
添半臂早涼已透朱戶 呼婢煮茗焚香疎鐘乍歇
旭日簾櫳度開鏡菱花清影瘦好似隔溪鷗鷺試理
雲鬟凌輕寒掠鬢罷頻回顧一番憔悴未如神女朝
暮

憶王孫

秋晚

廣庭雲漢晚昭回珠箔銀屏向夕開新詠攜誰上玉
臺獨徘徊月裏聲聲送鴈來

梅花引

秋夜不寐

露花香露衣涼池上芙蓉欲避霜玩清光玩清光何
處鴈歸月明人斷腸 疎鐘敲醒黃昏醉疎砧敲落
黃昏淚漏聲長漏聲長生怕夢多薰籠閒半床

風流子 第二體

秋夜詠懷

西風殘暑盡斜陽外細雨落虹霓見旅燕欲歸賓鴻
初動攀銀漢香掛玉繩低乾坤靜寸心千古恨孤夢
五更啼波起洞庭氣吞雲夢登山臨水遠送將歸
夜涼堪秉燭算前事何異甕裏醯雞最愛白蘋南浦
黃菊東籬聽西堂蟋蟀侵尋歲暮茨菇葉爛蓮子花
稀惟有姮娥解事留照深杯

清商怨

秋夜花下

小庭露重花知否睡一溪楊柳月裏開尊佳人閒雪
藕浴罷香來螭首且潦倒風前殘酒疎影依人烏
鵲棲枝久

解佩令

深秋

碧梧棲老黃花序歇縱義和無計將秋閨白帝回車
又早是玄冥乘運嘆蹉跎玉關芳信哀蛩悲砌寒
蟬抱葉看飛蓬渾如雙鬢前日登高可留得茱萸佳
醞解愁腸且防寒近

江城子第一體

秋晴

畫簾高捲對秋江，敞虛堂過斜陽。芙蓉池館一帶碧，紗窗爽氣迎人。山色遠晴浴鷺，下雙雙。

憶帝京

秋雨

水雲愁鎖煙鴻路，淹滯上林尺素。溪漲少尊鱸，天遠多鷗鷺。寂寞蓼花灘，菱笠漁郎渡。望不見銀蟾玉兔，更莫辨金風、珠露晨井梧飄。晚江楓冷慘，淡巫峽連朝暮。豈有洛神來笑展，凌波步。

上行杯第一體

秋寒

秋到蓬壺閨苑，神仙境界容易生。寒玉液瓊漿傾未已，何妨薄醉擣玄霜。游素月喜悅香熱綺戶盤桓。

御街行第一體

秋郊

秋風寒露滋芳草，綠滿西郊道。提壺樹底愛新涼，醉酒先迎少昊。莎雞催織，流螢改火，秔稻香生早。班荆不讓春光好，月裏霓裳勝十洲。三島更東臯壤黍，南村剝棗，漁樵歸晚。詩書夜讀，沮溺何曾老。

贊浦子

秋景

白露點紅衣輕雲隔隴飛寂寂梧桐院遙遙楊柳溪
看罷落霞孤鷺立殘秋水長堤回首柴門外蟬聲
落翠微

越溪春

秋閨

漁火江楓鐘早動曉色入高樓臺前玉鏡明如月牽
衣坐幄自梳頭織錦機邊乘槎海上惹起新愁多
時不理笙篴羅幌擁清秋堤上半黃半綠柳樹春前
曾繫驂騑憑仗西風吹妾夢隨他直到涼州

漢宮春

秋興

秋色無涯正蒹葭采采鷺羽飛飛纔見開襟樓上露
重星低又中秋月轉銀盤槎客方歸潦水靜寒潭照
影丹楓亂點人衣對此天清氣肅便籃輿乍登勝
地追隨看他漁舟初唱鴈陣初齊陶然共醉語騷人
漫賦心悲更待那松間黃菊開時穩臥東籬

相思兒令

秋懷

莫道秋風無力吹起滿天雲簾外垂楊芳草綠減兩
三分燕子不戀斜曛寒蟬鳴向何人無邊落木蕭

蕭月中亂打柴門

玉蝴蝶第三體

秋感

昨夜紗窗風急畫屏幾曲乍繞牙牀侍女薰籠徹曉
斜倚天香海棠畔吟殘蟋蟀蓮葉下睡足鴛鴦步池
塘滿園積翠一榻新涼堪傷關山千疊素娥奔月
青女催霜鴈帛魚書坐孤幃盼盡斜陽感恩私吹笙
北里勞夢寐弄笛西羌九迴腸轆轤高轉井冷梧黃

甘州遍

秋情

良宵永秋氣入銀屏撲流螢梧桐樹下芙蓉溪上有
人乘興坐搗箏風淡淡水泠泠手持生綃紈扇仰
面看雙星愁無定醉酒不須醒嘆多情悲哉宋玉嘹
唳鴈南征

烏夜啼

秋思

啼痕宛似幽蘭露華殘正是相思哀鴈叫雲端團
扇恨分鏡淚向誰彈方寸容愁寂寞倚闌干

拜星月慢

秋愁

煙草催黃風蒲駐綠幾陣金鷗刮面蛩語猿啼鬧幽
人庭院漏聲永叉手瑤堦玉砌唯有闌干倚遍露白
天高看寒生翠幔算爲歡有紅裙輕豔更休道歲
月如馳電可奈回首生平苦風流雲散入秋來何地
消愁嘆帶移孔瘦骨剛餘半又那堪轆轤聲聲轉晨
昏不斷

感恩多第一體

秋怨

眼前多少淚鴻鴈知人意強攀叢桂枝皺雙眉池
上風帷月帳斷蓬飛斷蓬飛錦字詩成寄歡何日歸
遐方怨第二體

秋恨

蟬寂寂鴈嗷嗷明月催文杵清風送玉簫青天碧海
路迢迢雙眉長皺可憐宵人易老恨難消枕上三
聲淚江頭萬里潮疎疎涼雨落芭蕉夢魂何處破牢
騷

河瀆神

秋病

疎雨灑寒氈西堂欹枕孤眠休文剩骨對高天蕭條
不比年前青銅照泪如流霰惱他避人秋燕潘鬢

不堪重見加餐何用相勸

瑞鷓鴣第二體

秋別

微霜落處唱驪歌遙天愁望洞庭波執手臨歧衰柳
殘陽下瞬息天涯可奈何歡娛猶記前宵月廣寒
笑指姮娥何期此日淒涼怕動離鸞操夢應多白月
紛紛掛薜蘿

最高樓

秋遊

花柳市轉眼見秋光遊興不尋常波心菰葉沈雲黑
風中蓮子落衣香約同人張翠幙宴高陽冷泠處
子猷堂上竹蕭蕭處陶潛徑裏菊須相對莫相忘桃
花扇舉笙方奏泥金帶緩曲初長儘流連詩警策酒
顛狂

高陽臺

秋旅

華髮秋生故園天闊涼飈幾日驚心潦倒登臺南魚
北鴈沈沈聽猿欲下懷人泪況城頭夜半笳音問前
朝何事長亭輕自分襟巫山巫峽蕭森便兼天波
浪接地風陰憔悴難堪空閒匣劍囊琴江頭楓葉停

車看抵來時紅杏春深夢中行家山易到隔斷聞砧

雨淋鈴

賞秋

蒹葭搖月喜金風度暑氣初歇暮峯雨後凝紫正鱸
膾美蓴絲肥滑水榭開筵宴飲向西山拄笏望河漢
尚隔微雲一帶平塘好林樾酒行莫避深盃罰賽
清虛玉宇瑤天闕最宜秉燭莫問銀河外斗橫參沒
斷續笙歌總把單于小調吹徹嘆寂寞思婦含情織
錦悲離別

昭君怨

苦秋

十日九多風雨盡是引入愁緒何事廢清吟爲秋深
兩岸丹楓冷落一徑黃花寂寞我欲倒千鍾向新
豐

後庭花

初冬

菊花輕送清秋別霜風烈烈天外孤鴻愁欲雪初冬
時節高陽攬轡陰雲結游人停轍橙黃橘綠如春
熱暗香徐蕪

望遠行

冬日

十二屏山曲曲遮秋色去應賒黃綿襖子落簷牙嶺
上北枝花 寒雪霽鸛鸛輕水沈一縷淒清床頭蟋
蟀久無聲那得重看鶴氅行冷逼鴛鴦瓦呵手破香
橙

萬年歡

冬夕

序屆安寧正北郊車馬先迎顙頊日短須臾永夕邀
遊繼燭煖室重鋪繡褥看長短妓圍如玉博山內五
夜添香殷勤更進醺醺 更深漏促鴛鴦瓦冷霜華
重莫親碁局玩月無心只是早歸金屋何處按歌擊
筑上雲奏鳳來清曲忽報道王子猷船冒寒來訪空
谷

丹鳳吟

冬曉

聽足雞聲三唱翠幔開時東方初白金爐香燼寒氣
逼人床簀愁多起坐可憐孤負角枕疎紋鴛衾新色
細憶清宵好夢邂逅綢繆忘卻分判南北 料得此
時邸舍也應數盡殘漏滴甚日金閨裏共調冰重畫
眉黛寬窄樹頭鴉起誤認鴈傳書帛漫自披衣窗外

望初日驚殘魄朝飡空設只念蕭關客

相見歡

冬晚

沍寒容易斜陽小春光笑指東園桃李鬪青霜
北戶閉西室坐南牕無數歸鴉落木半林黃
墮

金蕉葉

冬夜不寢

挑燈奧室圍爐坐數更漏銅壺滴破撥盡寒灰蘭膏
未滅生花大照見影兒一箇手冷無心連夜作好
花枝停針無那密掩窗紗曉來怕有霜風過且自和
衣欹臥

太常引

冬夜詠懷

肉屏風外落羲和月姊出銀河酒價減些麼裘未敝
千錢更多柔黃乍凍凝脂欲裂短鬢又婆娑玉漏
永如何難得曙愁人放歌

洛陽春

深冬

日月玄枵相會冬深無奈祇須酌酒更重裘看松柏
冰霜外歲暮星終寒大朔風吹籟好留顏色待新

春試預結同心帶

華胥引

冬晴

玄明久濕后土初乾同雲飛盡赤鳳歌回開爐好試
梅花醞應有雲物堪書見征鴻成陣背負暄和獻金
門莫須吝日淡風微幾番疑紗窗春近摩霄羣鶴
翅雙開留餘餘潤石燕淋漓歸後一床殘縕社結烏金
前溪溪路堪認

玉堂春

冬雨

同雲忘凍密雨廉纖飛動寒色侵人正好飛觴鳳炭
紅生共約氈爐會莫聽空堦滴斷腸一望江南煙
鎖飄零病葉黃遙想長安天氣高寒處早慶豐年雪
片狂

永遇樂

冬日看雪

瑞葉飄零瑤花浙瀝旋隨風舞暗度南樓寒深北嶺
圓璧方珪處歌臺密灑僧寮深擁留得袁安環堵試
凭高一舒老眼皓鶴白鸚失素月明林下梅開山
上漫道撒鹽飛絮三白雖宜九衢欲凍嘆息貧家婦

淺斟低唱將軍稱快不見糾糾葛屨凝望裏侵凌萱
草壓欹柳樹

一叢花

冬日踏雪

六花堆積滿乾坤一色更無痕但分山水高低處與
林廬城郭江村蠟屐扶筇印生屐齒回首失柴門
不知明月照黃昏步步踏瑤琨誰憐東郭先生苦偶
行吟露出鞋跟莫笑孫康讀書相映不復問饔飧

蕃女怨

冬郊

鬪雞走狗東郊道朔風吹老傍溪楊夾岸草煙雲空
繞何時萬紫與千紅待春工

歸自謠

冬景

聽蜡鼓一國若狂分隊舞金剛力士收南畝村前
村後歌金縷風和煦流連不覺嚴寒苦

賀聖朝影

冬閨

繡床初放剪刀寒帶圍寬筆尖呵凍寄書難且盤桓
推窗又見蠟梅殘鏡中看下墜不耐朔風酸葉聲

乾

陽關引

冬興

蒸裏前朝設迎得玄冥節口脂面藥恩光遠空悲切
念東梁詞賦惟有鄒枚絕筆吐花庭樹不斷兔園雪
對四壁僵臥歌一闋看浮生內能逢多少風月且
莫耽清酒但許烹茶啜縱妓圍成陣不若慕彈鋏

青玉案第一體

冬懷

層冰已合關山道望不見王孫草紫塞蹉跎芳信杳
月中砧杵霜前刀尺終歲縈懷抱苦寒不散鄒陽
老怎黍谷移溫早剪綵爲花裝綴好灞橋驢背梁王
兔苑遠似蓬瀛島

中興樂第二體

冬感

卻寒簾外六花飛歌臺舞榭全迷煮酒烹羔呼妓成
圍紅冰滿袖淋漓欲流澌灞橋黯慘騎驢何往詩
思遲遲

一剪梅

冬情

授衣節後降霜嚴深下羅幃不掛湘簾依人蟋蟀下
牀鳴斜倚熏籠暗把香添夜長正值一陽潛漏水
丁丁愁上眉尖情深贏得瘦腰肢那得梅花索笑巡
檐

望遠行第一體

冬思

睡鴨香殘夜似年
嘹唳征鴻滿天
玉樓凍合聳鳶肩
剡溪空待子猷船
燒瑞炭擁寒氈
幾樹梅花更妍
旗亭酒價十千錢
雙鬟作陣要人憐

聲聲令

冬愁

幕收窗閉天喜嚴寒義和不暖
老柴闌白檀灰冷風吹面
覺衣單最不堪歌罷酒闌
雪到關山憔悴久不曾還
泥塗濡滯客行難天高雁遠
倚闌干泪偷彈空半床被冷香殘

塞翁吟

冬怨

強起凭高望唯有落木寒鴉曝背坐野人嗟遠渚亂
蒹葭梅花紙帳風淒緊樓外冷日殘霞對短景煖爐
重會村酒頻賒堪誇隋宮樹宵深剪綵游上苑春